




絳帖平序

小學既廢流為法書法書又廢唯存法帖法帖乃古  
人陳迹耳况數經摹刻已失筆意然苟能習之亦勝  
墻面法帖始正自觀褚遂良所校館本十七帖是也  
我太宗皇帝造淳化帖十卷自後有所謂劉丞  
相沆潭潘尚書師旦絳臨江劉次莊宗氏將字世章

汝刻續帖大觀之類不可勝計要皆本諸淳化帖淳  
化帖今難得而諸家舊帖亦不易致絳帖傳至今者  
復有三四本潘師旦所刻為勝絳公庫本次之厥後



漫滅屢經補治甚至字畫乖偽嘗以相校乃知其有  
三四本也嘉泰辛酉予入越友人朱子大以絳帖遺  
予歸而玩之因為之本事釋文名曰絳帖平按淳化  
帖王著所集其間固已真偽混殽名代爽失潘氏不  
悟又從而刻之如劉次莊王輔道劉無言諸人皆嘗  
刊帖亦不知其非也世有劉氏釋文二卷山谷跋法  
帖一卷跋絳帖一卷許潭帖一卷秦少游官帖通解  
六篇米元章官帖跋一卷黃長睿刊誤十篇陳去非  
校定釋文一卷喻子才潭帖釋文一卷秘閣有法帖

字證二卷北方有絳帖字鑑二卷近日榮芑有絳帖  
釋文一卷并說一卷曾氏釋文一卷諸家惟黃長睿  
鑒賞最精然恨太略予因絳帖條流而增備之使覽  
者識其真偽通其義理然後究其點畫不為無益於  
翰墨矣若王著以率更為何氏東坡以鐵石為梁人  
米老以王珣為張旭以晉帖為羊欣劉氏以臨海為  
謔誨以脩齡為脩郇諸如此類不可悉數皆辨正之  
蓋帖雖小伎而上下千載關涉史傳為多惟慚淺陋  
考訂未詳故著其所解闕其所不解以俟博識之君

子嘉泰癸亥五月九日番易姜夔堯章序

總錄叙時一



上古

蒼頡

黃帝史撰鳥跡書

三代

夏禹

史籀

周宣王時史

仲尼

秦

李斯

丞相上秦人撰小篆



程邈 獄吏下杜人撰隸書

後漢

張芝 字伯英弘農人號曰草聖

崔子玉 名瑗善草篆

蔡琰 中郎邕之女

魏

鍾繇 字元常潁川人六傳書苑云其書絕世剛

柔備焉點畫之間多有異趣可謂幽深無際古雅有餘秦漢以來一人而已

吳

皇象 字休明青州刺史善草草八分沈着痛快

西晉

武帝 炎字安世

張華 字茂先司空

衛瓘 字伯玉錄尚書事

衛恒 瓘子字巨山書苑云善正書入能品

山濤 字巨源河內懷人司徒書苑云善正書

陸雲 字士龍吳郡人

索靖 字幼安 燉煌人 張芝姊之孫 征西司馬 草書絕代

東晉

元帝 薺

簡文帝 昱

卞壺 字望之 濟陰人 侍中 驃騎大將軍 善草書

劉超 字世踰 郎耶人 守至衛尉

王導 字茂弘 郎耶人 丞相

王敦 字處仲 導兄 大司馬

王廙 字世將 義之叔 平南將軍 荊州刺史 作中善正書 謹錄法祖述 張衛

王恬 字敬豫 導子 後將軍 會稽內史 草隸當時無與為比

王洽 字敬和 恬弟 中書令 領軍 將軍 衆書皆善

王羲之 字逸少 導從子 右軍將軍 會稽內史 亦稱大王

王凝之 亦工草隸 江州刺史 左將軍 會稽內史

自凝至獻皆羲之子

王徽之 字子猷黃門侍郎墨數云行草隸入中

上品

王操之

王渙之

王獻之 字子敬中書令世稱大令

王珣 字元琳洽子

王珉 字季琰珣弟中書令善正行自導至珉三

世工書

王廞 字伯興導孫蒼子

王濛 字仲祖晉陽人司徒左長史工草隸章草

俱入能品

王坦之 述子太原人丞相

王循

王邵 字敬倫建威將軍吳國內史導子

庾亮 字元規太尉征西將軍

庾翼 字雅恭車騎將軍荊州刺史善草隸少與

右齊名

郗鑒 字道徽 草書尤絕古而復勁

郗愔 字方回 鑒子 司空 學書於衛氏 尤長章草

郗超 字嘉賓 愔子

桓溫 字元子 譙國人 丞相 大司馬

謝安 字安石 太傅 正書入妙品

謝萬 字萬石 安弟

張翼 字君祖 下邳人 東海太守 尤善草隸

沈嘉 字長茂 吳都人 吳興太守

劉瓌 字元寶 沛國人 御史丞 義伯

紀瞻 字思遠 丹陽秣陵人 好讀書 手自抄寫 驃騎將軍常侍

馬攸

謝發

衛夫人 名鑠 字茂猗 尤善鍾法 正書入妙品 如碎玉壺之冰 爛瑤臺之月

宋

明帝 或姓劉

劉穆之 字道和 東莞莒人 侍中 司徒



王曇首

郎耶人太子詹事

羊欣

字敬元泰山南城人史云尤長隸書中散大夫

謝璠伯

謝莊

字希逸中書令

羊諮

司馬攸

孔琳之

字彥林山陽人墨藪云放縱快健筆墨流利二王之後難其比肩

蕭思話

南蘭陵人郢州刺史加都督受學羊欣得行書之法史云頗工隸書

薄紹之

字敬升丹陽人書苑云善正書入妙與羊欣並師小王

齊

高帝

蕭道成

王僧虔

珣孫弱冠工書祖述小王尤尚古直尚書令簡季公

梁

武帝 蕭衍

沈約 字休文 吳興武康人 特進光祿大夫

蕭確 字仲正 邵陵王綸之子 有書名

阮研 字文幾 陳留人 師逸少 正入能

王筠 僧虔之孫 尚書

陳

永陽王 伯智 書苑云 善行書

陳達

隋

僧智果 書苑云 工書 銘石 煬帝甚善之 行書入

能品

唐

太宗 李世民 書苑云 工草隸

高宗 治

歐陽詢 字信本 長沙人 太子率更令 名書 贊云

格氣俊逸 如孤峯之崛起 萬仞而四面

削成

虞世南 字伯施 上虞人 祕書監 名書 贊云 用意

沈靜如登太華百盤九折委曲而入杳冥

褚遂良

亮子右僕射名書贊云如皇王奉道娛樂自安國史異纂云少則伏膺虞監長而師祖右軍正書甚得其媚趣

褚庭誨

時人謂之小褚

陸柬之

李嗣真云柬之學虞書贊云酷嗜奇變如天陵偃蓋之松節二皆勁

薛稷

河東人太子少保師褚遂良正行入能品

李邕

字子陳州刺史善行書時稱李北海

張旭

吳郡人時號張長史書苑云以草書得名亦甚能小楷蓋虞褚之流

懷素

字藏真長沙僧

宋儋

字藏諸開元中人名書贊云如幽澗餘花空庭驟雨悉心鍾衛兼善歐陽

顏真卿

字清臣琅邪臨沂人太子太師善正行書周越云真卿正書結筆濃秀而尤尚字學可謂書之大雅矣陸羽嘗論其得

羲之筋骨心肺也

柳公權

字誠懸善正行書初學王書遍閱近代筆法軀勢勁媚自成一家

徐嶠之

洛州刺史名書贊云楷行草三者備敵

僧高閑

善草書

五代

錢俶

吳越國王書入神品

皇朝

太宗皇帝

李建中

學王書號李西臺

以上古人帖中所題或時代差誤或官稱爽失或名字乖落今以正史及雜書校之皆得其正其不可考者姑因帖之舊文并以諸書所稱其人能書之寔各條于下然古之能書者衆矣帖中十未得一它皆罕傳而所傳者又半是偽跡亦可歎也

總錄人名

日

仲尼書

有吳君子

吳季子

史籀書

敬州裴易

唐人

古法帖

散騎二君

見山字卷

玄日具問

晉吳興太守張玄之會稽內史謝玄

同時人

長史斷閣

晉司徒左長史王濛司徒左長史王

衛夫人

規模鍾繇

已見

懷素

真書過鍾

繇

草不減張

張芝已見

月

張芝

祖希時面

晉張玄之字祖希嘗為冠軍將軍

冠軍鬻暢釋

不見奴

王右軍家見小名見右軍帖如所謂官  
奴與奴小奴者

侍郎

郗愔或是范武子皆王氏姻並為中書侍  
郎

鄱陽

王廙嘗為鄱陽太守故二王帖多稱鄱陽  
或云鄱陽歸鄉或云鄱陽一門或云鄱陽

歲使

鍾繇

文若

魏荀彧字文若

奉事先帝

謂魏武

松等隕動

松見王右軍帖

郝還未

王獻之婦

中郎

郝曇

范母子

范王氏甥范武子也後云范新婦破羗

帖云范生皆此人以上四條皆右軍時

人誤作鍾帖

光

庾亮

媿子

媿母也當是小兒名

沈嘉

沈嘉長

沈嘉字長茂帖云沈嘉長誤矣嘉善草

書

索靖

及計來東

計上計使日部古帖云計至必應有

秀亦同

王坦之

已與謝郎

當是謝安

詣公自陳

當是王彪之或會移王道子

王渙之

倫

王氏女右軍云倫等還殊慰意子敬云常欣

倫早成家豈謂奄失此女下云倫奴同

直

王氏女子敬云此來得直疏又第六卷小國

帖云得華直疏

姑如復小勝

右軍妹嫁曹氏渙之姑也右軍帖

曹妹可耳

王操之

得識婢書

婢王家兒女小名右軍云小婢比小

下子敬云靜婢自常不和又云婢日

夕疏意慰又云婢腹痛

不得姜順消息

姜順王氏女大令帖所謂華姜

者也右軍云告姜道等平安子

敬云秀順至慰意知姜順是兩人



王凝之

郗中書

惜

庾氏女

王家女適庾氏者猶淵明言程氏妹也

陸雲

征南

晉杜預為征南將軍

謝發

當是晉末宋初人

晉安

因所守郡而名陔詩有殷晉安

天

智果

殷均

梁人庾元威云學正書宜以殷均范懷約

為主出法書苑均姓名見梁尚平偉傳

陶隱居

名弘景字通明梁秣陵人師鍾王

曹喜

後自有扶風曹喜依法書要錄當是袁崧

蔡邕

後漢陳留人字仲喈善小篆八分飛白正

書

栢玄

晉人溫之子字敬道景慕小生善於草法

自蜀丞相借號曰楚法書苑云溫書如快

馬入陣隨人屈曲與此不同

范懷約 梁人阮研殷范並見述書賦目錄

扶風曹喜 後漢字仲則篆若薤葉邛鄆溥師之

邛鄆溥 後漢人字子淋精古文大篆正書

師宜官 南陽人八分入妙

梁鵠 魏人字孟皇安定烏氏人受法於師宜官

鍾司徒 會魏人繇之子

隋朝帖

皇帝敬問 文帝

宋儋

左携鄭君 或是鄭虔

德

王洽

亡兄 王悅字長豫丞相導之子早亡洽其弟也

郝愔

知弟漸佳 愔弟曇

敬豫 王導之子恬字

郝超

段龕 見晉紀永和七年

王江州

王允之後江州隸庾翼翼亡後龕以青州來絳詳見本條

謝萬

助等

萬之子謝安帖云告淵助廊攸靖

山

王羲之

此部所稱皆同時人

袁生

即袁宏

二謝

謝安謝萬河字卷謝二侯同

子嵩

庾子嵩

熙

郝暹字重熙後亡熙或云重熙並同

穆松

未詳又一帖誤在鍾繇部云松等隕慟似

是王氏甥又無字卷穆松難為情地又法

書要錄第十卷右軍帖語得松旨問馳白

又按史右軍從子穆為臨海太守丞相導

孫劭之長子

張平不立

平并州刺史

荀侯

荀羨下同

脩載

王耆之子

散騎 王敬豫官止散騎常侍子敬帖云散騎殊

常喜也亦同

慶等 王家見名字敬割至帖云慶等右軍發吳

興帖云慶等別不可言又云慶等已至也

又山字卷慶等近消息

永嘉 謝邈傳父鐵為永嘉太守二謝之弟

河

桓公 大司馬桓温

蔡公 謨

仁祖 訛尚字

謝光祿

參軍 王協敬祖嘗為撫軍參軍王珣嘗為大司

馬參軍又法書要錄右軍帖語云羊參軍

尋至當是羊模蘭亭詩有行將軍羊模詳

見本條

長素 又法書要錄云長素轉往

許君 許詢字玄度

范生 范甯字武子汪之子

謝生 謝萬字萬石

謝司馬 謝安字安石嘗桓溫司馬

阮生 裕字思曠

敬和 王洽字

丹陽 王胡之嘗為丹陽太守

太常 王策

僕射 王劭字敬倫丞和導之子子敬帖僕射表

解臺職亦同

司州 王脩齡字胡之下同

向亦得萬書 謝萬

叔虎 王彪之

期 王氏子又李偉家藏有期小女帖世說王彖

字安期阮裕所謂王氏三少者也據史彖是

太原族非郎耶族裕所稱期非彖乃此期耳

### 壯

王獻之

阮新婦 思曠家女王氏婦

衛軍 王敬文王珣亦嘗為之

冠軍 見張造條

婢日夕 疏 解見王操之條

育故羸

倪比健 二人皆王家兒名後有

姊 郝氏女獻之婦

天寶 王氏小名

倫 子敬兄弟之女解見渙之條

華 右軍范新婦帖有華寺之語華姜自是二人

姜解在操之條

姜

直 解見渙之條

帝

領軍 王邵或是王洽

丹陽 王胡之

承脩東轉 脩載王者之字

鄱陽 已見

敬祖 王協丞相尊之子

玄度 許詢字同時伏滔亦字玄度然非右軍語

興公 孫綽

黃門 王珣琳謚皆常為之徽之亦為此官然卒

在子敬後不得言黃門殞背也

秀順 順已解在操之條秀亦王氏兒女大令帖

云秀已還也

居

栢江州 桓冲桓氏雲不秀石生玄皆嘗為江州

然而不合

鐵石 謝鐵安石萬石之弟辨在本條

驚 王氏小兒名大令帖云驚還慰姊意又云驚

差否

東陽諸妹 王邵妹

太

太宗皇帝

張祐 晚唐詩人

平

晉元帝

司馬睿 元帝姓名

宋明帝

休祐 休範 宋文帝二子 休祐史作休祐

或報 宋明帝名或

梁武

二謝 此是贗帖或是臨大王帖蓋二謝非梁人

唐太宗

江叔 高宗之叔 江王

奴 高宗小名

娘子 長孫皇后

耶耶 太宗自稱

太子無事 謂高宗

忠懿王 錢俶謚

無

王羲之

永興 王右軍從妹胡毋氏所居見十七帖

侍中 徐邈

得大等書 王忱字佛大

太宰 武陵王晞



中郎 已見鍾繇部

以

王羲之

曹妹 右軍妹適曹氏者

官奴 子敬小名

官奴婦 郝氏女

東陽 王劭敬倫為東陽太守

先師 王氏奉五斗米道之師

阮公 思曠

報

先生 許邁見真誥

殷生 浩字深源

王羲之

周常侍 撫

臨海 郝愔嘗為郡太守

賓 蔡氏子名亦見法書要錄十卷

下公 下駙馬見祕閣續帖又蘭亭詩有鎮國大

將軍下迪當是此人

方回 郝惜字

都督 謝尚

宰相 簡文帝

願

王羲之

姜道等 已見

謝范新婦 已見鍾部

壽故不平復 太令云貞壽不成病

素 右軍云長素美不

上

王獻之

椽 王珣

貞壽 王氏女

鶯還 已見

劉家疾患 獻之妹嫁餘杭劉氏右軍女也見乞

假表虞蘇云謝靈運母劉子敬之甥

以此可證

李參軍 克衛夫人子

登

薄紹之

江參軍

夷與羊薄同時為宋武帝鎮軍行參軍

薛八侍中

此帖贗見黃氏刊誤

封

張旭

藏真

懷素字潘不曉以為旭書

書

書跡辨偽

日

蒼頡

夏禹

仲尼

史籀

李斯

程邈

六家皆偽

古法帖

是王子敬等書

衛夫人

偽

何氏

是歐陽詢書

蔡琰

偽

月

張芝

前四帖是唐人臨晉帖

崔子玉

偽

鍾繇 前一帖是王右軍臨後一帖非鍾乃右軍帖

皇象 後一帖偽 張華

光

庾翼 後一帖偽 沈嘉 偽

杜預 後一帖偽 王循

劉超 劉瓌

劉穆之 紀瞻

張翼 陸雲

山濤 八帖皆偽 王操之 非

天

卞壺 謝發

羊欣 三帖皆偽

德

王廙 第一帖偽 謝安 後一帖偽

山

王羲之

行成 兄靈樞

闊別稍久 承足下還來

知遠

荀侯

六帖偽

僕近修小園子

半是偽半是子敬

河

王羲之

足下時事少

吾怪足下

前從洛

三帖偽

十月七日羲之報

是集字

云足下尚停

亦偽

期已至

語是書非

壯

王獻之

節過歲終

思戀無往

二帖玄差非偽

帝

王獻之

復面悲積

偽

鶩群

偽

玄度時來往

非

薄冷

益部

二帖皆歐陽詢

前者先以

非

鬱鬱澗底松

偽

仲宗

黃門

令外甥

三帖皆右軍

居

王獻之

吾嘗以後九帖

多是右軍語惟一帖有獻之字然書非二王矣

七月二日獻之白

臨夫

極熟

服油

並偽

平

晉武

偽

晉元

前後偽

齊高

梁武

並偽

唐太宗

勅十一日

不審夜來

二帖是高宗書

忠懿王

偽

無

王羲之

今遣鄉里人

疾不退

適得書

知欲東

差涼

五帖偽

以

王羲之

勿殺生

近日東陽

二帖皆非

報

王羲之

宰相安和

噉豆鼠

二帖皆非

願

王羲之

告姜道等

諸女無復

得柰如告

間者一兩

當近道

想彼悉佳

六帖皆子敬書

上

阮研

蕭確

二偽帖

衛恒

後一帖非

登

虞世南

大運不測

偽

薛稷

褚遂良

皆偽

封

張旭

大字是懷素

書

王廙 偽

凡言非者是他人帖非此人書偽者乃後人所僞

九品書人

書品上上

夏禹作形象篆

史籀大篆

文宣王大篆十字

已辨其非姑列于此

李斯小篆

崔子玉篆隸草書

張芝草書

鍾繇正書散隸

皇象八分

王羲之行草飛白

張旭大小草正書

上中品



索靖草行

衛瓘隸行

衛夫人正行

王獻之行草飛白

上下品

庾翼行草

謝安行草

桓温行草

梁武帝篆正行

羊欣草隸

中上品

王凝之行草隸

王徽之行草隸

蕭思話行草

歐陽詢正及行

陸東之行草

褚遂良行草隸

虞世南正草

中中品

郝超行草

阮研正及行

中下品

郝愔行隸

下中品

山濤行隸

薛稷行草

右出墨數今但錄帖中有其名者列于此使攬者知

之餘尚多不錄若帖中所有而書品所無者不敢復以已意定其高下也

絳帖平一

日

蒼頡書

二十八字



述異記云頡葬北海呼為藏書臺周時得其書莫識遂藏之書府至秦李斯識八字云上天作命皇辟迭王漢牀孫通識十二字杜子美云蒼頡鳥跡既茫昧字跡變化如浮雲則頡之書亡久矣周宣王時史籀變古文為大篆李斯又減籀跡為小篆作蒼頡篇謂



刺州蕭定作季子廟重刻此碑傳至今予按魯昭公  
二十七年闔閭弑吳王僚自立季子聘還復命於墓  
哀公十年嘗將兵救陳後不知其所終皇覽曰季子  
冢在毗陵縣暨陽鄉至今吏民皆祠之歐公云考仲  
尼歷聘不聞至吳又其字特大非古也墓闕題字唯  
東漢有之皆作分書若劉文饒王稚子闕之類又水  
經載朝歌縣牧野比干冢前有石銘隸云殷大夫比  
干之墓今已中折不知誰所識亦當是東都耳洪氏  
隸續云西都彝器皆是篆書又按西都墓甌亦多是

篆書某人之墓以此詳之季子墓題必是西漢時吳  
人所刻懷季子之賢故曰嗚呼蓋魯辟藏書文皆科  
斗商周彝器並用刀書此是筆書又雜小篆決非仲  
尼所為後世好事者傳會耳予考篆文闕乃君字或  
曰季子非也漢神寶鑑銘郡字正如此以此知其為  
漢篆也舊碑只十字皆大尺餘此字小惟有吳君子  
之五字同餘更大異復多二字尤見其妄秦少游云  
季子墓銘其真者猶疑非仲尼書况依倣為之者

歙州裴易惠系

衛恒云周宣王時史籀始著大篆十五篇或與古同或與古異世謂之籀書韓文公以石鼓文為籀所作不知何據夾漈鄭樵云籀與古文用刀書致字畫首尾皆銳秦篆則漆書故字畫首尾皆刊石鼓之文其端皆刊以此知其為秦篆非籀也然樵之說亦未為盡咀楚文秦篆也而用刀書汲冢書古文也而用漆書先秦鍾鼎固有刊者矣秦漢兼用刀筆故有銳者矣辨石鼓之非籀不在是也古文轉折圓無圭角秦

字轉折方歷代承之故漢以後篆皆方至唐李陽冰乃以鍾鼎筆法書小篆故自成一家也今石鼓字方與咀楚同是為秦書明矣非籀也况此七字乃唐人所篆耶

秦丞相李斯書

田濤耕耨為政朞月而致法令使父子為鄒魯米元章云不知何人書黃長睿云乃李陽冰篆明州刺史裴公紀德中碣字此摹十八字為斯書無銖黍差斯書傳至今者有太山刻及秦權衡斤量銘乃弃

不錄

秦程邈書

天得一以清地得一以寧神得一以靈谷得一以盈萬物得一以生侯王得一以為天下正其致之天無以清將恐歇

今人稱隸書為隸古非也書序所謂隸古者書有古文今文之別隸為今文古為古文漢靈帝時劉陶刪定古今二文尚書是也隸書始於程邈衛恒云秦既用篆奏事繁多篆字難成即令隸人佐書曰隸字漢

因之予按書有八體秦漢所常用者篆隸耳夫隸者篆之捷也先漢士大夫賤之不以書金石威靈之際始書金石矣楷者隸之捷也始於上谷王次仲至魏晉方盛然亦不以書金石也章草者楷之捷也始於杜伯度章帝愛之因以為名此赴急之書也予謂古文生籀籀生小篆小篆生隸隸生楷楷生草每降愈捷尔庾肩吾云隸書今之正書也是知隸與楷本一種而有波磔者為隸無波磔者為楷然古人總謂之隸後有行草因以正名之故書家不謂之真草而謂之

草隸不謂之真書而謂之隸書史稱王羲之尤喜隸書是也洪文惠兄弟以漢人所書為隸魏晉以後為八分此說非也杜詩云大小二篆生八分張懷瓘云八分者王次仲所造既言次仲作楷又言造八分則知曰隸曰分曰楷曰正其實一耳自漢以後楷既自成一家南北分裂隸又分為二體北方一體則魏受禪碑是也南方一體則吳天發神識碑是也蓋魏人專法中即方勁可愛吳人雜用篆法奇古無倫爾後北人多用魏體南人多用吳體皆有碑可證東晉之

末道術盛行符籙所用皆作吳體至唐則總為一耳國初以來多作唐體自歐趙著錄漢刻士大夫始重漢而貶唐唐躰誠拘然漢刻亦有工拙不能皆佳也此帖雖無波磔謂之隸書亦何不可若以為邈書則非黃云自蒼頡至程邈皆偽

又按周越法書苑丘光庭云左傳亥有二首六身如布竿之狀古文亥作布依此語則春秋時已有隸書矣鄒善長水經注云臨淄人發古冢得銅棺前和隱起為隸字云齊太公六代孫胡公之棺唯三字是古

餘同今書證知隸字出古非始於秦而邈推廣之耳

古法帖

知賢弟至舍晚寒想顧之傷歎遂爾永惟痛壽  
春富陽范道長躡氣以小勝前日得此暑大都  
尋常新婦書寄物示諸也散騎二君何時還兄  
子皆佳能數為也

此帖乃王大令書筆勢可見所稱散騎二敬豫也大  
令帖云阮新婦勉身得雄散騎殊常喜也詳見山字  
卷

孤不度德量力欲俟義於天下而措術淺短遂  
至昌蹶然至于今日志猶不息君謂計將安出  
亮曰董卓已來豪傑並起跨州連郡不可勝數  
曹操比於袁紹則名微而衆寡故能尅紹以弱  
為強今日擁百万之衆挾天子而令諸侯誠能  
不可與爭峰也

右蜀昭烈與諸葛亮問答其半在居字卷大令書中  
米云亮書固非山谷以為兼張芝索靖之美黃云此  
逸少書似豹奴帖予按二帖雖章草未為精密又數



經臨摹大小不等且妄增損史文殊無義理與豹奴  
帖皆非逸少筆法矣逸少學皇象章草當不止此  
既移屋近西牆微援裏地成大寬援裏起小三  
架如步廊政可一文梁得使二家通出入作門  
閣也此屋之東故應作牆直步廊一辟太單空  
園中彌宜移三間屋故當不甚難重複粗盡圖  
如別耳

足下既即意適閑曠亦當忘暑耶遊矚踈數至  
對告卿少吾今年病垂耳始小差大小今度病

惛忽移日耳每每深望遠言慰尚賒慨然玄日  
具問可與音介勿勿書後既即直人理略絕何  
緣復有周旋理長史斷闊亦不減却惟公事時  
相瞻望耳吾面促遂至今不著不可解計至故  
應必有秀但不知好惡云何耳須得

此二帖米云羊中散書後有欣白字黃亦以為中散  
書非也此晉帖耳所稱玄會吳興太守張玄之或謂  
稽內史謝玄所稱長史謂司徒左長史王濛或是大  
司馬長史王禛之或是司馬左長史王廞皆晉人也

以此推之乃王徽之輩書耳欣晚出非欣書也援與園同見皇象急就章諸家釋忘暑為惡暑忘暑皆非以上文尋之乃忘字耳張芝帖中講忘不忘上士字亦如此下心字作三點劉次莊又釋作竟可怪釋有秀才一人既不講習遂坐所舉故至者多稱疾而去帖中好惡如何似為此憾古減字懷素云草不憾張亦同劉釋作憾尤非

黃云世王將帖後兩表極古信能傳鍾氏筆意而右軍學之也表中云頓之勿勿案顏氏家訓云世中書翰多稱勿勿相承如此莫原其由或有妄言此忽忽之殘缺耳說文勿者州里所建之旗蓋以趣民事故念遽者稱勿勿僕謂顏氏以說文證此字為長而今世流俗又妄於勿字中斜益一點讀為忽忽字彌失真矣按祭義云勿勿諸其其饗之也注勿勿猶勉勉也殼愛之貌杜牧之詩浮生長勿勿是知勿勿出於祭義古人詩中用之不特稱於書翰

何氏書

投老殘年西崦已逼恒慮儻忽歸骸玄壤溘尔  
冥滅竟不一言以此在懷預為其備於茲路唯  
有憑心他餘不能有益年將八十可以意求欲  
望長存何可得也道大難俗情見善從善如登  
見惡行惡如崩必須策怠惰勤精進愛日惜力  
乃可獲耳吞聲飲氣不勞頓尔他便生異議速  
自詳荅取竟勿滯留也十六日去留深情故當  
所尔餘散輩停歲積故切思歸三月下旬還非  
賒異叙不遥南路行乃寔絕傷心

黃云何氏書若曰如何人耳或以為姓非也米云是  
歐率更令書按法書苑率更名詢長沙汨羅人唐正  
觀十五年卒年八十五此帖有年將八十之語詢書  
明矣詢墨跡今世尚多筆勢皆如此

蔡琰書

我生之初尚無為我生之後漢祚衰

此兩句琰所作胡笳曲辭琰中郎之女因董卓之亂  
為胡所掠在胡中生二子曹公贖琰歸至洛陽見胡  
雛而念其子作胡笳十八拍琴家傳之祚字劉釋作

祀此易曉右旁先點後乙為祀先乙後點為祚山谷云琰自書十八章極可觀不謂流落僅餘兩句亦似斯人身世耶以予觀之與皇象後一帖一手偽作耳

衛夫人書 在何氏帖前

衛稽首和南近奉勅寫急就章遂不得與師書耳但衛隨世所學規摹鍾繇遂歷多載年升著詩論草隸通解不敢上呈衛一弟与王逸少甚能學衛真書咄咄逼人筆勢洞精字體適媚師可詣晉尚書館書耳仰憑至鑒大不可言弟子

### 李氏衛和南

衛夫人帖唐初李瓌琳贗作寶泉述書賦云嵇康絕交書七賢帖亦李所贗也黃云此帖尤疎繆案梁蕭子雲答武帝敕云臣昔不能拔賞隨時所貴規摹子敬多歷年所二十六著晉史至二王列傳欲作論草隸法言不盡意遂不能成十許年始見敕旨論書一卷商略筆狀洞激字躡始變子敬全範元常逮尔以来自覺功進此偽帖皆竊取子雲啓中語欲小改之遂失其句讀又衛夫人乃李矩妻李克母名鑠字茂

猗與師書自當著名不但稱夫族及姓也以數事考之其偽不疑前輩論此帖以其敦字從力館字從舍為偽未中其病蓋自二王以來譌字甚多陳為陣策為筴皆二王輩自製不可據此定真偽也予按懷琳字殊少韞藉與此不同此似非懷琳自作觀其諸字皆楷而不可言三字作草必是集晉字為之法書苑云夫人是廷尉展之女弟恒之從妹中郎李克之母克善楷書妙參鍾索此聖善之教也夫人既是恒之從妹書安得不佳王子敬年五歲神清朗悟已有書

意每從諸兄造焉夫人因書大雅吟賜之後右軍亦嘗臨寫墨數云夫人見右軍小時書語太常王策曰此兒必見用筆訣也妾見其書便有老成之智因流涕曰此子必蔽吾書名少陵云學書須學衛夫人但恨無過王右軍其傳尚矣

### 僧懷素書

右軍云吾真書過鍾而草故不憾張僕以為真不如鍾草不及張所為世之所重以其能懷素書之不足以為道其言當不虛也

懷素此言似訶右軍董道云此阮藉臨廣武戰場之  
歎也孫過庭云伯英不真元常不草彼之二美而逸  
少兼之擬草則餘真比真則長草雖專工小劣而博  
涉多優蓋謂此也唐太宗謂鍾書體則古而不今字  
則長而逾制心摹手追右軍而已庾翼舊藏伯英草  
書十紙過江士失見右軍書煥若神明頓還舊觀翼  
與太宗在前其言如此過庭懷素後出六言如彼何  
也

張旭書

足下晚後不知疾痛如何深極憂難比也上下  
安之必得發耶得足下十五日問為慰僕前患  
差張旭書

此兩帖非贗亦非合作世所傳千文豪甚今秘閣有  
二蹟其一佳

絳帖平一

絳帖平二

月

漢張芝書

知汝殊愁且得還為佳也冠軍蹇暢釋當不得  
極蹤可恨吾病來不辨行動潛不可耳

終年纏此當復何理耶且方有諸分張不知以  
去復得一會不講忘不忘可恨汝還當思更就  
理一昨遊悉誰同故數往虎丘不此甚蕭索祖  
希時面因行藥欲數處看過還復共集散耳不

見奴粗悉書云見左軍彌數論聽故也  
今欲歸復何適報之遣不具摠散佳並侍郎耶  
言別事有及過謝憂勤  
二月八日復得鄱陽等多時不耳為慰如何平  
安等人當與行不足不過彼與消息  
八月九日芝白府君足下不日秋涼平善廣閑  
彌邁想思無違前比得書不遂西行望遠懸想  
何日不懃捐業漂沒不當行李又玄春送舉喪  
到羨陽須待伴比故遂簡絕有緣復相聞飡食

自愛張芝幸甚幸甚

太平興國中詔天下搜訪前指墨蹟圖畫先是荆湖  
轉運使得張芝草韓幹馬以獻此帖是也按芝字伯  
英弘農人凡家之衣帛必書而後練之臨池學書池  
水盡黑下筆必為楷則號恣恣不暇草書寸紙不見  
遺韋仲將謂之草聖此五帖僅一真  
不知以去以與已同蘭亭以為陳迹或作比非講志  
或釋作竟非也竟字當於德字卷郝惜帖看之  
米云五帖皆張長史書黃云張祖希玄之字與大令



同時當是長史書二王帖辭耳予按續晉陽秋張玄  
之嘗爲冠軍將軍又按世說王東亭珣與張冠軍善  
既作吳郡人問小令王珣曰東亭作郡風政何似荅曰  
不知治化如何惟與張祖希情好日隆前兩帖所謂  
冠軍斲暢適祖希時面數往虎丘等語似是珣作吳  
郡時帖以爲伯英過矣顏魯公虎丘寺詩云捨宅仰  
珣珉則知珣又嘗居吳也後兩帖云侍郎者郗愔也  
鄱陽者王廙也當是右軍父子帖以上四帖皆經長  
史或藏真手臨藏鋒圓勁如篆筆所謂錐畫沙者也

長史嘗以此法授顏平原平原授藏真柳公權楊凝  
式皆得之近時惟 思陵獨擅其妙

第五帖章草高古可愛真伯英之妙蹟不日秋涼諸  
家皆不曉不日二字伯英既是弘農人則送喪至美  
陽應亦有之美陽岐山也山谷云此書絕 無品者  
信然淳化官帖十卷除二王書多佳者外唯有張芝  
小草皇象前帖鍾繇宣示帖王廙二表而已苟伏膺  
於此四家亦足以跨唐人矣

後漢崔子玉書

賢女委頓積日治此為憂懸焦心今已極佳足  
下勿復憂念有信來數附書知聞以解其憂  
崔瑗字子玉後漢安平人善小篆草師杜度衛恒云  
章帝時杜度善作篇後有崔瑗崔寔亦皆稱工杜氏  
字甚安而書體微瘦崔氏甚得筆勢而結體小踈  
此帖附書知聞是唐人語筆亦不古子玉書有張平  
子碑傳于代

吳皇象 當在鍾後

文武將墜乃俾俊臣整我皇綱董此不度古君

子即戎從身昭其果毅尚其桓桓師尚七十氣  
冠三軍詩人作歌如鷹如鷗天有泰一五將三  
門地

臣象言頑闇容薄加以年老凡百乖穢無所聞  
宜特蒙哀傷殊異之遇安感騎乘之懼遊息之  
燕渟和足使志軀命榮觀足以光心膺延望翹  
翹念在效報而蒞走垂湏終何才力以答新恩  
惟尚有借近趙走文過首貧尚尋天恩智方當  
私成無任顏愛自彌文唯

皇象吳人字休明前一帖乃寫後漢東觀校書郎高彪送幽州督軍第五永歲其文曰文武將墜乃俾俊臣整我皇綱董此不虔古之君子即戎忘身明其果毅尚其桓桓呂尚七十氣冠三軍詩人作歌如鷹如鷗天有泰一五將三門地有九變丘陵山川人有計策六竒五間云云蔡邕等甚美其文以為莫尚也此以明為昭以呂為師蓋范曄作史因晉人舊書避晉諱耳當以此為正欠一之字志誤作疋或是傳訛然書跡妙絕遂為章草之冠

### 魏鍾繇書

尚書宣示孫權所求詔令所報所以博示逮于卿佐必異良方出於阿是蕩蕩之言可擇廊廟况繇始以踈賤得為前恩橫所眄公私見異愛同骨肉殊遇厚寵以至今日再世策名同國休感敢不自量切致愚慮仍自達晨坐以待旦退思鄙淺聖意所棄則又割意不敢獻聞深念天下今為已平權之委質外震神武度其拳拳無有二計高尚自流况未見信今推款誠欲求

見信寔懷不自信之心亦宜待之以信而當護其未自信也其所求者不可不許許之而反不必可與求之而不許勢必自絕許而不與其曲在已里語曰何以罰而奪何以怒許不與思省所示報權䟽曲折得宜神聖之慮非今臣下所能有增益者與文若奉事先帝事有數者有似於此粗表二事以爲今者事勢向當有所依違願君思省若以在所慮可不須復自節度唯君恐不可采故不自拜表已欲日安厝即其情

事長畢柰何松等墮動哀情頓泄亦難可言郝還未卜聊示友中郎相憂不去心感遠懷近增傷惋每見范母子哀號使人情悲

褚遂良右軍書目有鍾繇宣示帖一條山谷云繇書大小有數種予獨善此小字又云鍾繇書有十二種意外巧妙世所傳者乃右軍臨本尔案袁昂評書云鍾司徒有十二種意外巧妙絕倫多竒又云鍾繇如雲鶴遊天群鴻戲海行間茂密實亦難過耶以此言之十二種巧妙乃鍾會耳非繇也又按法書要錄梁

武論鍾繇書十有二意謂平直均密鋒力輕快補損  
巧稱非前所謂也王僧虔云亡高祖丞相導喪亂狼  
狽將鍾繇尚書宣示帖衣帶中過江在右軍處右軍  
借王敬仁脩敬仁死其母以脩平生所愛并以入棺  
真蹟遂絕正觀御府所藏乃右軍臨本開元中與大  
令所臨白騎遂帖在滑臺人家國朝刻之淳化帖蓋  
蘭亭之外此帖便足為寶在樂毅論之右也但今人  
不能研味之耳世復有丙舍戎路力命白騎遂黃帝  
張樂五帖近世汪氏有漢復帖云是鍾書皆別有平

此不載

范母子等語二王帖間多有米云齊梁人書非也余  
觀松即右軍帖所稱穆松也郝王獻之婦也中郎郝  
曇也字重熙嘗為北中郎乃知是王右軍書尔安得  
為齊梁人書

宣示帖云昔與文若奉事先帝昔訛為者在所慮  
古文以已一尔漢書云是時漢兵以踰勾注亦然故  
不復白白字下有兩點古白字印文皆然此帖黃初  
二年作是年八月孫權奉章遣于禁等還魏故曰權

之委質也

晉丞相張華書

得書為慰僕諸愒疾已甚慙西卧歸還乃悉比將念及不具張華呈

范陽張茂先終於司空非丞相也唐世已無書跡此帖偽作麤惡多俗筆與李懷琳所作七賢帖同其末一筆皆下垂也

晉丞相桓溫書

大事之日僕在都謂無所復見慰勞又計時事

也逐節郎來已具言意餘所慰勞諸相具答邊將粗當尔耳僕無所復治庶意

按晉史溫鎮荊州母孔氏卒上疏解職欲送葬宛陵詔不許此云大事之日僕在都無所復見慰勞是也還節往來者溫使人送旌節還臺也諸相聞答邊將粗當尔耳者謂邊將自能奏報已可以去官也無所復治庶意者謂不復有意治軍政民事也或謂溫是時在江陵不當言都殊不知古稱邦國都鄙左傳稱大都三五之一小九之一後世稱軍為都所謂黑雲

都鴈子都是也陳去非釋治庶為酒席殊無義理述書賦云元子正草厚而不倫若為翰墨由帶真淳似山林之樂道非玉帛之能親信然由與猶同

晉丞相王導書

省示具卿辛酸之至吾甚憂勞卿此事亦不斲忘然書足下所欲致身處尚在殿中王制正自欲不得許卿當如何導亦天明往導白改朔情增傷感濕烝自何如頗小覺損否帖有應不懸耿連哀勞滿悶不具王導

山谷絕喜王茂弘此兩帖云傷感濕烝字皆佳張懷瓘稱其行草兼妙踈柯迥擢寡葉危陰此蓋彷彿矣懷瓘又論王會稽羲之草書第八在世王茂弘下若尔何足以壓右軍應別有合作者山谷云足下所欲致身處尚在殿中諸家多作毅中字雖摹失山谷為優十七帖中殿字與此不相遠也濕烝劉作濕惡

晉烝相王敦書

敦頓首蜡節忽過歲暮感悼傷悲今邑想自如常比苦腰痛憤憤得示知意及不以悉王敦頓

首頓首

王大將軍書極佳不論其人乃可尔憤憤劉誤作快  
快

絳帖平二

絳帖平三

光

晉太尉庾元亮書

亮白奉告書箱先為媿子作輒先以奉之研今  
作之支髮枕今作無作摸若有可權付之亮再  
拜

媿音氏又音啼江淮呼母為媿此當是以名小兒耳  
王僧虔云庾征西少時與右軍齊名右軍後進庾猶  
不分在荊州與都下人書云小兒賤家雞皆學逸少



書須吾下當比之觀此帖誠去右軍遠矣亮字元規  
誤題曰元亮

晉車騎將軍庾翼書

故吏

甲寅春日耕升借讀一過



乙卯仲秋鮑清芬曾閱過一



此書于道光元年得於滬上刻本  
僅兩冊餘俱抄本吾宗清常道人  
手校此書不多見宜寶之

趙元愷記於絳帖平